

d'Riada

Rudenkirtag Sierning Faschingdienstag 25.2.2020



<p>Letztes Jahr hát sich vü tán wo fång ma denn då hiazt án zerscht hát's brennt in Paris de Notre Dame so a Gschieß richtig hoaß wår's dann a min Strache in Ibiza Mir san heit min Zug her gfåhrn dass ma CO zwoa einspårn</p>	<p>Wännst d'ORF Werbung ånschaust iss koa Wunda wänn da graust Verstopfung und Übelkeit Reizdarm Scheidentrockenheit Harnverlust Inkontinenz Piperlschwäche Impotenz und Bronchien voll zähem Schleim na de Werbung is zum Speim</p>
<p>Aufpappalt háms in ForsthoF Reini drum baut Er in Sáål um schleini A gscheide Baustöll is des gwen es wår schon lång zan übalegn Glås und Marmor ois tut glånzn hiazt kinnan d'Rudn wieda tånzn Da Sáål kunnt schener net sein drum schenk uns ein an Liter Wein</p>	<p>Des Autohaus Nigl geht in Pension, des is für vü årbeit Lohn. endlich koa Hyundai Kraxn mehr a gscheites Auto muaß hiazt her denkt si die Chefin und låcht, is glei zur Konkurrenz kråcht Fahrt hiazt ihr neiches Auto gern, an Schlittn mit Mercedesstern</p>
<p>Des neiche Kaffeehaus neman Friedhof finden d'Frauen går net doof Des is gånz klår und unbestrittn liegt am Kaffee und Sachaschnittn Da Pfårrer Sperka sågt oh graus wia schaut da Friedhof denn hiazt aus weil wänn de Fraun ban Kuchn sitzn vergessns oft aufs Blumen spritzn</p>	<p>Va da Raika da Stepann Adi is in letzter Zeit voi trawi is oft in Wean trainiert sei Hirn tuat Bank-direktor studiern Fåhrt an neichn bånzn Audi håt ban jagan immer Gaudi tuat a haufn Geld kassiern er is da Scharinga va Siagn</p>
<p>Da Sturl Maria ihr Hund håt fåst 70 kg und is rund Da Aaron foigt ihr oafåch net und er fladert wås nur geht Tortn, Aufschnitt, Keks und Bratl stüht er va de Kuchöladl hoit vom Kühlschrånk d'Jausn vira und ihr Månn wird imma dirra</p>	<p>Ba da Hofer Gerlinde letztes Jahr wår koa Weihnåchtmårkt echt wåhr Die Leitln kinnans går net glaum keman mit Busse nåchschaun Mit volle Brieftaschln sans kemma wollen Soafn Keks und Weihnåchtmånnern Sepp und Gerlinde net verdrossn sågn hábm wegn Reichtum heia gschlossn</p>
<p>Zwegn dem Ibiza Umfåll gwinnt Türkis und Grean de Wåhl und da Kurz Sebastian fångt min Kogler s'bandln ån da liabe Werner muaß ma sågn wü hålt koa Krawattn trågn do da Kurz nu jung und frisch ziagt eahm trotzdem übern Tisch</p>	<p>Nåch'n Urlaub in Shanghei sand's entspånnt und richtig frei San Rasseweiber 1A de Gabi und de Silvia Für ea Alter nu recht fit aufpoliert und immer schick und kimmst du nebm de zwoa zan sitzen fångst du richtig ån zan schwitzen</p>

<p>In Thomas Stelzer seine Akten g'hern geschredert des san Fakten. Drum bringt's er zum Wolfinga zum vanichten des is klar Do da Eddi denkt ois wie entwickelt draus a Klopapier Des is woach und tuat net reißen Hiazt kånnt auf'd Politik scheißn</p>	<p>Bei da Eisnhuaber-Hochzeit letztes Jåhr wår d'Luanga Traudi gånz klar sie wår aufputzt gscheid ångschmiert rot und blau, lila schattiert ihr eigne Mama tuts net kenna då is a Påpagei glei schena mia sågn hiazt brauchst gårnet blean so wirst du nie Miss Hüban wern</p>
<p>Dass ein Jeder Hochdeutsch spricht wird sogar am Schulhof Pflicht ideal wäre das schon wegen der Integration jetzt befürchtet auch oje unser Rudenkommittee dass die Politiker uns zwingen und wir Ruden Hochdeutsch singen</p>	<p>Ba da Storchenfeier geht's richtig rund vom Bråuer Enkerl liab und gsund Martina Oma, Opa Frånz genießen d'Feier voll und gånz ham se auf d'Ofnbeng hingschmissn und ea des Gwandl åbagrissn werkan gscheid kriang går net gnua ban Fensta draust schaun d'Nåchban zua</p>
<p>Da letzte Sommer wår recht hoåß s'Wåssa zweng so a Schoaß In Lehner Sigi sei Råsn vabrennt und ausderrt nix zan gråsn A Tank für's Regnwåsser hüft bloß 60.000.Liter riesen groß hiazt geht's in Sigi wieder bessa seiner is hiazt da gressa</p>	<p>Tatz net beleidigt und recht spinna tuat jå eh nur d'Hålfte stimma und wås de Hålfte is jå mei des denks eich selba zaum hei wer's wissen wü der kånnt uns frågn für an Liter tan mas sågn åft pfiat eng Gott bis nächstn Kirtag a guates Jåhr wünschd d'Riada</p>